



曾文定公全集卷之三

南豐後學彭期編訂

冊立皇太子制

惟宋祖宗集大命開蹟垂統傳繼在予賴天之靈海
內和洽獲薦珪幣以爲祭主惟先哲王享國君民必
有儲兩以相承翼所以奉天地嚴宗廟與民爲依長
慮萬世也厥惟故典予敢不率咨爾某生材之卓絕
倫拔類覃訐岐嶷成於自然緝熙光明不繇外獎潛



德日茂敷聞下土將旄王組藩衛京師神示所毗戎
夏係屬宜執七鬯位以時定今遣某某立爾爲某夫
天下之本在太子太子之所務求諸已而已爾能明
其心人不詔其孚爾能善其身人不戒其隨治亦多
術矣要不易乎此也嗚呼匪得之難克之爲難爾能
服于訓辭以承我先后之流澤俾爾躬無疆惟休惟
予及萬邦亦無疆惟慶豈不臧歟

朱晦菴曰南豐先生擬制內有數篇雖雜之三代
詰命中亦無媿
此作訓辭深厚古色陸離

立皇太子制二

朕受天命撫萬邦實承祖宗之盛德丕烈永惟先王之典人君在位必蚤建太子所以重宗廟爲天下萬世計也某粵初在母祥應先見誕始能言則岐則嶷王封將位蕃輔京邑孝愛日裕溫恭自然神靈所開人望攸屬攷刺六藝主器以長生民之道不易之理也其立爲某於戲非朕私于子某惟宋高后之傳序垂統朕不敢忽惟四方上下之所注心朕不敢距嘉與海內同孚于休播告遐邇其諭朕意

封王制一

昔大漢之興鑒孤秦之敝分土而開者九國當高祖
之初同日而立者三王在孝武之世或支庶之疎屬
或宗嫡之近親所以蕃輔京師承衛天子今朕按圖
規地諏日定封推天性之厚恩本人倫之通誼以隆
公室蓋率舊章某鍾氣至靈生材特異聰明先物不
自于鐫磨孝愛絕人非繇於獎勵比服公主之寵仍
分將鉞之崇休有顯聞洽於時論是用疇其爵邑列
以真王建爾國家保茲東夏視祿威於宰席增衍食

于爰田用強磐石之基○實重維城之勢○嗚呼冊之宗
廟○申戒因其土風○式是大邦親臨○定其名號○爾尚無
作匪德○以追配前人之休○無從匪彝○以答揚皇祖之
訓○俾人預懷榮之慶○而身兼燕譽之祥○王其勉之○朕
命惟允○

封王制二

昔○周○建○親○戚○蓋○五○十○三○國○以○蕃○輔○京○師○漢○封○骨○肉○或○
連○數○十○城○以○承○衛○天○子○所○以○強○形○勢○固○根○本○計○慮○深○
矣○朕○甚○慕○焉○矧○先○帝○之○子○朕○之○仲○弟○宜○膺○顯○冊○進○啓○
大○邦○茲○惟○典○常○夫○豈○敢○廢○某○淵○靜○冲○約○孝○友○篤○忠○不○
挾○其○貴○以○從○匪○彝○不○恃○朕○恩○以○作○匪○德○奉○法○遵○職○夙○
夜○小○心○王○子○雍○邦○滋○久○彌○邵○惟○營○丘○之○野○臨○淄○之○中○
太○師○呂○尚○之○所○建○國○兼○岱○及○海○天○下○重○地○是○用○立○爾○
保○茲○東○土○三○公○之○儀○上○將○之○節○爰○田○真○食○備○物○寵○章○

大告于廷。咸以屬爾。於戲。書稱帝堯之德。曰以親九族。詩美文王之聖。曰刑于兄弟。蓋教自上行。愛繇親始。先王之道。不易之理也。今予命爾。不違茲誼。尚悉爾心。其勸相朕。使黎民百姓。於變時雍。繇家及國。罔不作孚。以屏予一人。填拊方夏。實諉在王。時其勉之。

封王制三

天子支子若其舛弟姬姓于周。未有不侯。劉氏于漢。未有不王。蓋親之欲寵其位。愛之欲厚其財。先王之法。人事之理也。某先帝少子。朕之季弟。聰明齊敏。孝弟忠實。富而能約。不從以敗禮。貴而能戒。不恣以好逸。畜學樂善。厥德日新。王曹積年。遵職無懈。惟斗牛之野。太伯所開。三江五湖。其陽大海。鹽魚金穀。天地之藏。茲用命爾。式是南邦。儀視三公。任兼上將。真封衍食。備致寵章。於戲。昔魯公于周。大啓爾宇。以輔王

室康叔于衛。實爲孟侯。以保乂民。今朕順稽于古。以屬爾某。爾尚念茲。以祗厥服。常棣之澤。配前聞人。維城之休。承我高后。在爾勉矣。往其欽哉。

封王子制

朕隆于親親。非特私恩而已。所以教天下。厚人倫也。爾家慶所鍾。王室之出。列于使領。茲惟異寵。往思報稱。待爾成人。

中書令制

虞氏之咨四岳○惟亮天工○周家之建六官○以爲民極○
朕叅于古義○質以今宜○以右省典正于鈞衡○以中臺
總持于綱紀○兼是重任○時惟宗臣○播告在廷○其聽新
命○某敏于學術○優有時材○以經遠之謀○彌綸治具○以
察微之智○練達事幾○由展采于禁林○遂墜華于宰路○
協宣勞力○積有歲時○朕惟授職○以量能○宜循名而責
實○稽先王之作○則以正百官○起多士之赴功○庶康萬
務○眷言舊德○申以異恩○維化原實○繫于內樞○俾首弼

諸○之○任○維○政○本○一○歸○于○會○府○仍○躋○端○揆○之○崇○寵○秩○所○
加○委○成○彌○重○豈○獨○儀○刑○于○列○位○固○將○叙○正○于○彝○倫○於○
戲○成○一○德○以○格○皇○天○輔○予○于○治○釐○百○工○而○熙○庶○績○待○
汝○有○爲○其○務○廸○于○壯○猷○尚○思○齊○于○前○哲○體○茲○注○意○維○
往○懋○哉○

相制一

天有保命集于朕躬惟用乂民罔以自逸敷求良弼
作爲憑依若園就規若正識墨今朕得士諗于在廷
某廣博靜淵密于世用推其計畫見于可行攷其事
功効于已試爾爲爾守宜立輔朕茲用詔爾位于東
臺嗚呼自周衰以來千有餘歲先王之道蔽而不明
振壞扶微朕竊有志尚懋佐朕圖惟設施叅諸經訓
而不違質諸時宜而不謬無崇小慧以易大猷無伐
已能以距衆善惟賞刑在上不可以僭惟聰明在下

不。可。以。咈。厥。后。克。濟。其。任。則。爾。身。永。孚。于。休。其。往。
起。哉。以。承。我。祖。宗。之。丕。烈。

相制二

有爲之君舉賢以自助○有志之士遇主而後伸○兩常相須而相濟者○少○兩常相求而相值者○寡○朕觀前代君臣之際○聖賢相與之盛○慨然忻慕○願比迹焉○今得其人○詔于爾衆○某行無緇磷○學有本原○材諳智謀○淑問惟舊○納忠左右○匪懈夙宵○蔽自朕心○命爾予翼列予右○相進貳西臺○嗚呼○自道術不明而世蔽滋久○法度多缺而紀綱浸微○圖治者以古爲迂○錯事者以苟爲得○兵安于坐食而不合于農士○習于空言而不知

爲吏。禮義廉恥。闕而不思。朋黨比周。靡然成俗。任之
以學。數而敗官。以墨者方興。起之以赴功。而便文自
營者。滋出。伊欲黜漢唐之淺陋。追堯舜之高明。尚懋
相予。予忱不貳。使千載之墜振于一朝。上下之間。配
于前列。以揚我先后之光訓。亦繼爾舊服之顯庸。

相制三

朕飭正三省綱理萬事號令所出本諸西臺閱審駁

門下省官

此尚書省官

此中書省官

此

論屬之黃闥推而達之則在會府以其官之長貳皆
爲任政之臣鼎足居中各遵其職分守則異合謀惟
一時于俊乂宜就茲列某身篤學行自幽而顯宣力
中外績用彌邵惟文昌政本揆叙百度介于左省攷
慎朕命圖濟厥服爾其往哉朕訓迪治官順稽于古
使其體至大而統之有要其事至衆而舉之有條不
惟其文惟其實不惟其位惟其人爾允念茲以勤予

翼○蓋○先○代○之○法○存○于○籍○者○既○殘○缺○而○難○循○當○今○之○宜○
殊○于○昔○者○又○舛○違○而○易○遠○酌○是○彝○憲○成○之○甚○艱○尚○廸○
庶○工○奉○若○維○新○之○則○亦○永○來○世○預○有○無○窮○之○聞○

節相制

古者出軍之法始於一井之間遣將之常甫在六官之內師田共務文武同方蓋丁發召之期則士就戎行而卿行于外已征誅之事則衆遵農畔而帥旋于朝歷世雖殊茲制惟一逮後王之更造開阡陌以居民隸伍符者身不受于一厘仗齊鉞者位不連于九棘其于荷戈執銳爲王之爪牙立纛設旄爲國之屏翰上下之任古今則同予得異能詔于在列某性資強毅識慮精通束髮修身有恕已及人之志歷官行

事○有○承○流○宣○化○之○勤○踐○揚○要○極○之○司○更○閱○歲○時○之○久○
嘉○謀○讜○論○簡○在○朕○心○廣○譽○善○聲○洽○於○輿○論○有○國○之○典○
以○爵○詔○功○宜○疇○厥○庸○爰○啓○爾○宇○建○大○將○之○旗○鼓○尸○我○
一○方○賜○諸○侯○之○土○田○保○茲○東○夏○以○董○齊○于○軍○旅○以○撫○
和○于○士○民○叅○帝○傳○之○寵○名○益○戶○封○之○真○食○兼○隆○異○數○
獎○勵○茂○勲○於○戲○昔○吉○甫○典○兵○萬○邦○爲○憲○申○伯○作○邑○四○
國○于○蕃○宜○悉○意○于○壯○猷○庶○俾○忠○于○前○列○答○揚○祖○宗○之○
訓○予○冀○爲○衆○得○人○夾○輔○邦○家○之○基○爾○尚○爲○時○宣○力○

劉二至曰議論行于駢儷之中吕明博大罕與爲
匹

侍中制

舜用臯陶若股肱之承元首○商咨傳說如舟楫之濟
巨川○蓋一體之相成○或兩求而莫值○肆朕纘極寤寐
雋良○果得異能○屬之大任○用揚孚號○明諭在廷○某行
蹈中和○學通今古○從容應物○有適用之材○慷慨立朝○
多據經之論○比回翔於禁闥○遂更踐於樞庭○閱歲已
深○服勞惟舊○朕惟紀官之敝○久廢於正名○分職之殊○
固難於覈實○爲司徒之定制○俾位號之無虛○乃眷宗
工○宜加異數○東臺管轄之任○爰處於弼諧○南宮喉舌

之司。仍躋於端右。體加隆之注意。當益懋於壯猷。於
戲。秉國之均。天下之所取正。熙帝之載。朕心之所仰
成。使萬物各遂其生。而一夫無失其所以輔予治。往
惟汝諧。

門下侍郎尚書左右丞制

尚書萬事所出丞所以筦其要門下三省之首侍郎所以貳其長朕稽于古義以正官號故合是寵秩以命吾共政之臣非天下之材足以協朕之謀繫人之望者夫豈虛授某莊毅忠篤通于古今列于廟堂以義陪朕是用攷擇以爲選首使文昌左轄之任舉瑣闥叅議之効明六官紀綱上之所以齊下者無所撓四方奏列下之所以通上者無所壅以弼予一人而亮成庶績尚懋厥志無忘訓詞

（寶）
作守

給事中制

有事殿內之臣職在于平奏述詳命令駁其違者而正之覆其善者而行之至于決獄官人發驛遣使申寃滯察苛僥莫不總焉其任可謂煩且重矣朕董正治官之始思得其人以稱厥位以爾具官某忠篤強毅明于理體勞閔甚茂朕惟汝嘉列之東臺公議所屬惟精敏不懈可以統治要劇惟剛方不苟可以辨白是非爾尚慎于厥脩朕方觀汝之效

門下侍郎制

朕於天下之事。以稟承處決。屬之中書。審閱駁正。歸之門下。而使尚書推而行之。此三省所以異任而相成。故長令僕射。皆宰相之任。而左右省侍郎。所以貳之。蓋謹其名者。固將循之以稽其實也。必使位無虛加。人無虛受。以脩國家之務。然後稱朕意焉。某明允脩潔。學通今古。以風力之敏。見于績用。以志行之篤。重于朝廷。擢自從臣。預國機政。多引大體。沃于朕心。維董正治官之初。介東臺管轄之寄。歷選在列。汝往

惟允夫堅一心以在王室康萬事以亮天工汝之任也其尚勉哉

左右常侍郎制

左右之臣以騎從乘輿職在獻納可謂親且重矣非
器識操行屬乎朕心夫豈輕授某老于文學練達治
體舊惟共政勤烈在時某直諒多聞篤于自守先帝
遺朕調護有勞皆以耆名列于秘殿是用考擇于衆
寵以茲任朕惟爾之試用已效必能秉誼不渝惟爾
之博通古今必能補朕之闕往祗厥服豈煩訓辭

左右諫議大夫制

諫議大夫掌議論舊矣。今列于從官。實有言責。事無大小。皆得開陳。當其○可從。則爲之更命令易取舍。固朕之所虛心而聽也。朕方于天下之忠讜。惟恐不聞。則居是任者。直己以事上。夫何間哉。某器識強敏。明于今古。俾職獻替。僉曰汝宜。夫能通上下之情。而使朕立于無蔽之地。治道之所繇出。在汝能稱其任。可不勉歟。

尚獄五起居制

孔子稱言動以禮天下歸仁焉。矧託于王公之上言而爲令動而爲法。故必有左右史從而記之。所以照得失明勸戒。能稱茲任。蓋難其人。某文學優深操行慎潔。執簡簪筆。有列于朝。今朕順于古義。以考定官儀。是用正爾之名。俾仍舊服。其尚謹于書法。以無曠于厥司。

左右正言制

左右之臣以言爲職。事有得失。關於理體。利害繫于

人情或方兆于幾微○或已施于命令○論皆可及○誼無
不從○選用特殊○寄屬惟重○正官之始○得士尤艱○某綽
有時材○通于世用○獻替之位○宜服寵名○夫上之求乎
下者○患乎難知○下之求乎上者○患乎難達○使耳目之
任○無蔽藥石之規○必聞尚惟汝能○以助予治○

諫官制

某純明廣博○信古知今○用爾之長○俾有言責○夫言人
之所難言○爾無不盡○而聞之如恐不及○朕豈敢忘其
尚懋哉○無或容而已矣○

御史中丞制

御史府持吾邦法所以糾官邪繩不恪輔予于治非
秉義純篤望實敷于上下不稱其任某強毅肅括以
視其身博學精識通于世用是以考擇于衆寵以茲
位夫有守正向公之志又有能辨是非之明抗論于
朝使賢不肖忠邪不失其實此法之所以爲治具而
能佐吾以善養人之意使汝能宜其官則朕爲得其
所屬尚體予訓其惟懋哉

御史知雜制

臺無大夫。中丞則御史之首。當專決庶務。實總邦憲。朕選於衆。然後屬之其人。豈不重哉。某敏茂直清。通于學問。輟自右史。往踐厥司。夫振舉紀綱。以闡明法度。糾繩邪慝。以肅正臣工。朕方虛心志。在於與人爲善。爾能苦口無患。於不得其言。其尚自強。以充公論。

監察御史制

御史持國紀綱。所以糾官邪。齊內外。選衆而授厥惟艱哉。爾好古知方。強於自立。刺察之任。往其欽哉。惟不同於爾心。以無撓於予法。在知所守。可不勉歟。

門下中書侍郎尚書左右丞制

尚書中書門下三省本天下之務而侍中令僕射爲宰相之任舊矣自唐政不綱而失其守今朕董正治官使三省之長皆復其任而于尚書左右丞左右省侍郎秩有升降使貳吾任政之臣夫綱轄之地與御史更相察舉所以警官邪明憲度而侍郎于左右省無不統理則其所繫于體尤重非傑出之材不在茲選某官端方篤實學有本源預于政機人望惟允某強毅忠厚通于古今謀謨廟堂休有令聞是用命爾

以爲選首其尚體余所以處爾之重勿苟勿隨使百
工庶尹皆知爾之不私于法罔敢不正而政令之自
上出者罔不得宜以稱朕所以作則垂法始今行後
之意爾可勉矣予有望焉

中書舍人制

朕稽于古以正百官使循其名以效其實惟舍人中
書之屬以典掌命令爲任而况列于侍從則又職在
論思方朕明紀綱定憲度以爲民極之初非能見于
文章何以究宣朕意非能通于世用何以彌綸庶務
進在茲位不其重歟某官某忠正仁篤達于古今其
文足以代王言其智足以謀治體斷自朕意以爲選
首其尚尊爾之學以善于訓詞奮爾之庸以裨于政
理使爾能稱厥職而朕預于知人其惟勉哉以祇厥

知制誥制一

典掌書令之任。爲左右之臣。非獨在于潤色斯文而已。固當論思治體。以輔朕之不逮。朕博考天下之材。然後有所拔用。則于付授。豈不慎哉。某強識敏學。通于體要。砥節勵行。忠篤不回。朕惟汝嘉。使在茲選。朕有兢兢業業。一日二日萬幾之慮。汝則思輔以謀猷。忠于獻納。朕有作則垂憲。施命以告四方之志。汝則思達以文辭。見于號令。使爾爲稱任。則朕爲得士。豈不休哉。尚其勉矣。以服厥官。

體原作理

知制誥制二

贊爲名命之臣、法當侍從、非獨在于討論翰墨、發揮
詔號而已、必將講明治具、思獻其可以弼予違、故非
其人、夫豈虛授、某敏有時材、優于學術、擢于不次、俾
典訓詞、維能守其所聞、可以輔予不逮、維能明于體
要、可以見于文章、其尚懋哉、方觀汝效、

尚書左右丞制

本天下之政者尚書也。本尚書之紀綱者左右丞也。蓋衆職之治亂萬事之廢舉糾而正之實其任焉。今朕董正治官使尚書繼其舊服以僕射爲任政之臣而六卿各遵其職至于綱轄之地所以警官刑繩謬戾御史有不舉者得并而治之則其繫于體尤重是以進其位叙使得貳吾任政之臣非望臨一時朕豈虛授某明允忠篤通于古今列于廟堂以義陪朕是用考擇以爲選首其尚體予所以處爾之重勿苟勿

隨俾百工庶尹知爾之无私于法。罔敢不正。稱朕所以作則垂憲始今行後之意。爾可勉矣。朕有望焉。

左右司郎中制

尚書天下政本。左右司紀綱之地。故郎選異於諸曹。非器幹望實有聞於時。莫稱其任。某明敏強濟。通于世用。宜在此位。故以命汝。創制之初。舉墜興壞。所以彌綸庶務者。待汝有爲。其尚懋哉。以承厥叙。

吏部尚書制

尚書政本而吏部天官所以考擇人材以成天下之
務近世既失其職但受成事而已今朕既正官名且
將歸其屬任立法之始推行在人其於程能議功定
勲頒爵當率厥屬謹循科條非得周材曷稱茲位某
忠厚仁篤秉義守正列于侍從休有令名是用選而
授之其務將明使朕所以作則垂憲不獨于今可行
方當施之後世蓋汝有稱職之美則朕有知人之明
尚其懋哉無替厥服

吏部侍郎制

尚書本天下之務而吏部典掌選舉至于所屬之曹有行封爵議勲庸稽功課之事咸以咨焉近世以來職分于他司而位爲虛器今朕董正治官使歸其名分者豈虛爲哉固將循之以求其實蓋明紀綱定制度以釐百工熙庶績此朕志也侍郎實貳其長非獨當修其官且將推明新制以行今而傳後則其選授豈不重哉某文學行義有聞于時列于從官獻納惟允是用命爾實首茲選其體予所以擇而使爾之意

務祇厥服。使政舉法行。稱朕之意。惟爾亦永有稱于
後世。可不勉歟。

戶部尚書制

戶部之於中臺爲周官司徒之職掌財賦之調度金穀之出入以待邦國之用歷唐五代征斂煩興而使名雜出地官之職蓋存虛號而已今朕正名以定羣臣之位辨位以責庶務之實尚書政本典領經費之司所屬尤重博求天下之士以宜其官某誠篤強敏智慮精密董煩治劇材力有餘民曹上卿無以易汝理財之術待汝有爲今歲入甚廣而歲費所餘者無幾使官用有節而餘蓄可致公藏贍足而民賦可輕

在汝能知其方庶幾承朕之志尚懋爾守以承厥叙
戶部侍郎制

田疇生齒之籍穀帛貨泉之計下以制民之產上以
經國之用地官之貳實叅總焉朕方因能以用人正
名以授職俾服予事必惟其材某頃以通敏之資久
更要劇之任往副民部孰如爾宜夫知農之艱難而
有以勸助視財之豐匱而有以均節使公藏贍足而
私蓄美盈朕將觀爾之能爾其無懈於位

禮部尚書制

昔舜命伯夷典禮后夔典樂至周并爲宗伯之官今
禮部尚書蓋其任也威儀度數之詳聲音律呂之別
莫不屬焉精微之至所以統和天人順遂萬物其體
可謂大矣矧今典領寔又考擇天下之材夫能無曠
其官以克吾所以寄屬之意歷選在位今得其人某
明允直清知經信道制作之事舊惟討論春官古卿
是用授汝朕承百王之敝方欲作則垂憲以成一代
之典使五禮之節同于天地八音之和格于祖考天

下智謀材請之士得而用之待汝能稱其官庶幾輔予于治無懈于位以副朕知

禮部侍郎制

才原作
作禮理原

夫禮之節文樂之和聲所以成三才而育萬物典掌之任秩亞春官朕方考正百工之名而大脩法度之政其于寄屬必惟其人某材出土倫學通經術宗伯之貳爾往欽哉其思先王制作之方而務知治民易俗之要其于理體非在于鐘鼓玉帛而已尚稱厥職以副予作則垂憲之心

兵部尚書制

中臺政事所出兵部司馬之任所以典總師徒揚國
威武至于按圖辨地駕乘庫兵司存之事莫不咨焉
今朕考古以正官儀將使處其名者必效其實由是
以推朕之志明紀綱成法度焉八座之貴夫豈輕以
屬人某明達事幾好謀能斷列于侍從忠益居多夏
官古卿是用顯授朕患今之兵不與農合故因保伍
之法脩閱試之令庶夫使民知兵近于古義夫寃宣
朕意使吏能奉承而民皆嚮勸以共武之服時汝稱

兵部侍郎制

夫○兵○天○下○之○備○誰○能○去○之○自○士○不○出○于○井○地○而○將○非○
六○事○之○人○歷○世○以○來○皆○知○古○之○宜○法○而○患○夫○勢○之○難○
行○朕○獨○慨○然○有○志○于○是○故○修○保○伍○之○令○明○戰○陣○之○教○
先○王○之○迹○庶○或○可○幾○經○營○之○勤○心○亦○至○矣○惟○是○夏○卿○
之○亞○實○叅○典○領○之○司○方○正○官○儀○尤○慎○推○擇○某○材○敏○忠○
篤○明○習○治○體○圻○父○之○貳○往○惟○汝○諸○夫○能○獎○誘○務○農○之○
民○悅○趨○講○武○之○政○馴○致○有○漸○而○彌○綸○不○疎○惟○無○廢○爾○
之○勤○可○以○輔○朕○之○志○尚○思○自○勉○以○服○訓○辭○

文雖可以補規之古尚思自強以期醇

月外雖無先之如陽雖有微而願餘不難

其間皆常體也之類卦卦卦卦卦卦卦卦

之強實參典辭之同式五官卦卦卦卦卦

未王之強強強強強強強強強強強強強

竹相辭辭辭辭辭辭辭辭辭辭辭辭辭辭

六事之人烈甘以來甘味古之宜然而思夫

夫其天下之辭辭辭辭辭辭辭辭辭辭辭

其時卦順時

刑部尚書制

昔舜命臯陶曰汝作士明于五刑以弼五教蓋刑者所以助治而非致治之本也其縱入輕重得失之際人之舒慘繫焉此古之聖所以未有不先慎罰也今朕悉心以正庶官之任而中臺八座典司邦禁選用之體得人惟艱某明允通博資以術學服采于位厥聲顯聞秋官古卿是用命汝蓋前世之治斲雕爲樸破觚爲圓而憲網踈風俗美朕甚慕焉爾尚體朕之心折民以恕使辨訟自息而王政寔明可不勉歟以

輔台德

刑部侍郎制

刑者所以禁人爲非而聖王之所尤慎中臺總領之
任秩貳秋官之崇朕方正名以稽羣吏之治而大脩
制度之文必惟其人俾服予采某慈恕忠篤明習法
令參執邦典莫如汝宜夫能使民無冤亦已善矣推
之可以至于使民無訟爾尚勉哉以承予綱紀四方
之志

工部尚書制

昔舜咨于衆疇若予工羣臣薦垂往祗厥序蓋繕脩
興造程衆藝飭五材國家之務不可以不屬之其人
今中臺起曹實踐其任矧屯田虞衡平水之職莫不
隸焉正名之初其選尤重某材力強敏周于計畫更
閱內外時稱汝能俾服冬官蔽自朕志夫詳明品式
以訓匠建事使費省於國力寬于人至于墾地山林
溝洫之政莫不畢舉皆汝守也其尚懋哉以率厥屬

工部侍郎制

曾文定公集 卷之三
夫飭五材程匠事國家之務所不可已也故共工之事任屬非輕朕方若稽舊章財正官號思得智能之士以副采擇之詳某開達敏強明習典故冬官寵列俾介厥司考究制度之文紀綱修繕之政在爾能舉其職以稱吾經理萬事之心其尚懋哉往祇厥服

禮部制

朕正羣司之名而責其實歸天下之務而本之尚書故郎選甚高維春官之屬禮樂所出宜得智謀材譔之士以修厥官某業履望實見于世用考擇于衆莫如汝諧其尚體予董正治官之意於夫創制之初明紀綱興曠廢惟知其要乃能圖其詳惟悉心以祗厥服

主客制

朕甚重郎吏之選欲以歛羣材責功實典客之任列

於門曹維時右人宜服茲寵國家之有賞典所以待
汝有爲

膳部制

牲豆酒膳辨其儀數而修其政春官之屬郎秩甚寵
詢求材實爾允僉言尚思欽承以稱推擇

庫部制

甲盾弓矢之器乘輿鹵簿之式武藏之任郎選甚高
得士于朝屬任惟允夫稽功實以勸賞朕方必行悉
忠力于事爲爾尚無懈

駕部制

輿馬輦乘之奉郵驛圉牧之治中臺要務主以郎曹
敷求得人俾任吾事夫駟之頌養馬之詩也蓋其大
旨曰思無邪然則爲政之方斯可知矣能識於是夫
何遠哉

屯田制

率屯戍之兵服畎畝之事所以益邊省饋佐國裕民
郎于中臺總其政令用爾之敏宜能厥官往服寵名
無忘奮勵

水部制

川瀆隄防宣其利而備其害四方萬里之遠卽實總
領秩甚寵焉爾以周材朕用選授夫知水之不以障
而導之使行此成法也推而見之于事待爾能稱其
官

虞部制

蒐田有時而澤梁有禁虞衡之守所以遂羣生而叅
化育中臺典領咸屬汝材其思順鳥獸草木之宜以
稱朕愛人及物之意

知制誥授中司制

典掌明命總持憲綱非博學有文強毅忠篤曷可以
兼斯任哉某志行清夷材資敏達更踐內外試用惟
允論思禁掖肅正朝端蔽自朕知拔于不次惟明于
體要可以見于訓辭惟公于是非可以施于刺督尚
懋厥守方觀爾能

踐原
譌幾

都官制

慈原譌茲
依文鑑改

係累春籥之人恤其廩給而申其訴競主以郎吏國
之舊章爾惟惠慈宜蒞厥職尚思奮勵以稱敷求

比部制

內外經費之事總于句考之司郎實主之位重省闕爾惟明敏宜能厥官惟時懋哉以服予訓

御史遷郎官制

御史董攝紀綱肅正朝廷於政之有不當于理於臣之有不協于極皆得言之故吾甚重其選爾有列于此能勤厥職雖歲月未久而風望甚高今有司奏爾之課於法當遷吾不得留易之郎位使爾知自効能不擇官則吾于報功亦有異賞爾其勉矣無忘訓言

中司授大中大夫制

朕正名以定百官之位辨位以責庶務之實矧風憲
之臣紀綱所屬曷可以不明其任哉某強敏開遠行
無此句誼仁篤學通古今擢典訓詞遂持邦法宜專分職以
應新書是用進爾之階品在第四俾爾納忠宣力得
壹意於中司以董齊衆工肅正內外庶余之作則更
制罔或不虔在爾懋哉知其所守

司門制

門關筦鍵之事啓閉出入之節總其籍賦而審其禁

曾文定公集 卷之三
令郎官之任爾允詢求尚敏勞能朕將考察

責御史制

中執法所以糾官邪繩不恪也其可以自爲欺且怠
歟某拔於䟽遠之中服在此位宜殫忠力以稱所蒙
而按劾大臣旣非其實稽其分職則自餒焉朕爲之
優容俾從薄責而庭對之際公肆誕謾屬吏推窮獄
辭明具論其情則懷詐比其治則瘝官夫身任紀綱
之司而抵冒若此雖朕欲貸汝而如公議何斥守偏
州尚仍階品往新厥志庶蓋前愆

秘書監制

帝王之治○必有圖籍之藏○又擇當世聰明拔之士○
聚于其間○使得漸磨文學之益○獎成其材○以待國家○
之用○故書省之設○吾不計近功○而要于廣畜德○所以○
厚其禮秩○而艱於用人○庶以明朕好古樂善之勤○而○
勵學士大夫之行也○某多識博聞○操守純篤○諸儒所○
尚○令問惟舊○延處茲位○蔽自朕知○夫尊其所聞○而行○
之不倦○使輔于世教○而其效可言○非獨優游冊府而○
已在爾自強○以承朕志○

曾文定公集 卷之三
秘書郎制

秘藏四部之圖籍郎所守也職清秩美必也屬之其人爾以材稱俾服茲選尚惟敏于畜德朕方觀汝之能

殿中監制

分職殿內參侍左右監總六尚之官以供服御之事位視九列禮秩甚優正名之初考擇惟慎某明習吏治勞閔有聞選于在廷俾踐厥任往其祗飭無忘訓詞

著作郎制

麟臺著作之任郎以詞學爲之必惟其人爾以材選
惟能明于體要乃可見于文章其尚敏于厥修朕方
觀爾之效

體原
譌理

正字制

是正文字之官實爲儒學之選宜體育材之意勉思
畜德之勤

國子祭酒司業制

學校之法雖使之通經術治文字然要其大致則在

于○明○上○之○教○以○導○民○養○人○之○材○以○成○俗○故○師○氏○之○位○
必○惟○其○能○某○質○性○粹○冲○術○業○通○博○訓○誨○之○任○宜○正○寵○
名○夫○行○其○所○知○以○先○游○學○之○士○使○風○化○之○出○自○京○師○
始○待○爾○稱○職○可○不○懋○哉○

太學博士制

博○士○以○文○學○爲○官○往○者○列○于○成○均○其○秩○未○正○朕○登○之○
朝○序○所○以○尊○庠○序○之○教○而○勵○士○大○夫○也○爾○以○經○行○選○
用○往○服○厥○官○蓋○尊○其○所○聞○以○誘○率○學○者○汝○之○守○也○惟○
是○懋○哉○

大宗正丞制

司宗之于國族門內之治也。然合遠近之屬而齊之。有不得專于愛者。其于斟酌緩急恩義之際。信難處哉。故其屬有丞。以參聽其事。而交修其官。考擇爾能。俾在茲選。夫親九族以刑萬邦。此有國之先務也。其體朕心。往從而長服。茲是訓。以欽厥司。

太僕卿制

書曰。僕臣正。厥后克正。蓋親近左右有輔導之義。矧車府廐馬牧監之政。莫不咨焉。非得其人。曷稱厥位。

某材質敏明久更器使。司馭之選。汝惟克諧。其祗厥官。以服朕命。

殿中丞制

丞于殿內參總六尚之官。而察其稽失。出于公選。首以材升。尚務欽承。方觀汝效。

太理卿制

折獄詳刑之事。朕所重也。典領之官。位在九列。正名之始。選用非輕。某明于吏治。通于法令。廷尉之任。僉曰。汝諧往其欽哉。以率厥屬。

太常丞制

丞于奉常參總禮樂之事祠祝之義惟學古知方乃能不失其守尚務祗飭以服官箴

諸丞制

丞于有司參其政事而察其稽失以材選用尚懋爾勤

都虞候制

士之以材武宿衛左右者其選甚精而虞度候視于軍中者其任甚寵某忠勇有勞宜在此位進遷使號

其往欽承

知開封府制

開封府朕建國焉天下所並奏衆大而俗雜尹正之
寄○非○仁○篤○公○勇○材○任○煩○劇○不○能○稱○其○職○今○朕○修○定○官
儀○正○其○名○號○固○將○考○求○其○實○使○效○見○于○事○則○用○人○之
際○豈○輕○也○哉○某○爽○邁○開○達○練○習○治○體○閱○試○惟○舊○功○用
顯○白○處○以○茲○任○莫○如○汝○諸○夫○慈○惠○足○以○煦○養○惇○弱○剛
嚴○足○以○帖○伏○奸○強○然○導○民○之○方○尚○有○可○識○使○四○方○有
以○觀○則○而○朕○有○以○仰○成○在○汝○勉○哉○以○稱○朕○命○

開封府獄空轉官制

京師天下之聚俗雜五方之民至于智或侵愚強或
凌弱巧偽滋出獄訟繁興統理之難爲日已久某明
敏開達曉習吏事輟自禁近屬之尹正以公于奉上
之志絕阿以附下之私摘發姦欺動而必中彈治豪
右勇于敢爲使縲紲無非罪之嗟囹圄有空虛之效
求之近歲罕能及此聞于朕聽時惟汝嘉夫賞所以
褒善而勸衆也進官一等疇爾之庸其尚懋哉以永
來譽

節度使制

有地千里治兵與民內衛京師外拊疆場非文武器
幹望臨一時朕所寵嘉不在茲選某溫良能斷沈靜
善謀直道著于當官周材見于經務承流宣化善政
有聞綏遠折衝壯猷彌顯是用錫之土宇授以節旄
生齒實繁屬爾以安輯師屯甚衆委爾以訓齊以作
朕股肱之良以爲國藩輔之重無忘忠力庶訖外庸
惟亮天工待汝守四方之效無輕民事副予安百姓
之心尚體眷懷豈煩多訓

節度加宣徽制

維昔牧伯長師之官有土與民共于外服所以爲國藩輔今方鎮之任連數十城之地籍兵與衆而授之建旄立纛殿于大邦以作衛王室亦惟用稽于古非文武之特才擅一時孰能稱茲選哉厥有顯庸宜加寵命乃揚乎號以告庶位某莊毅足以任重肅括足以裨身有能斷大事之明有克勤小物之慎考于僉議付以成師宣化承流實裨治體折衝綏遠克暢武經故能紓朕之憂副人之望夫德茂者其賞異功隆

者其報殊。是疇其底績之勤。錫以宣猷之號。揆于常
典。非朕爾私。蓋位重者其憂深。祿富者其責厚。名數
禮秩。朕旣無忘爾勞功。實事爲爾尚。協朕之志。矧夫
填臨塞路。總領兵防。班籍聯于輔臣。謀畫參于國論。
其思勉勵。以副眷懷。

都知制

門闥房闥之間。朝夕給事。非謹信忠篤。烏可處斯任
哉。某服勞左右。閱歲已深。淑慎厥躬。朕所考察。俾率
厥屬。往惟汝宜。其思永于厥脩。尚終綏于榮祿。

開府儀同三司制

開府之于榮名重矣。矧優其禮。命視于三事。故其品爲第一。所以隆崇大臣。古今之通制也。朕順于舊典。考正官儀。惟是首于文階。是用制其祿入。秩莫厚焉。非時宗工。夫豈虛授。某材資桀異。識慮闕深。莊重足以鎮浮。精明足以成務。熙帝之載。有贊元經。體之庸提。將之符有折衝。綏遠之效。今百揆攸敘。方內靖嘉。時乃之功。助朕致此。是用峻其名秩。申此寵章。夫褒有功。顯有德。朕于尊獎近輔之心。可謂至矣。親百姓。

撫四夷。爾于將順朕志之義。可不懋哉。尚體至懷。往承厥敘。

少府監制

百工伎巧之事。展采備物之政。典領之任。位視列卿。正名之初。考擇惟慎。某明習吏治。勞閱有聞。選于僉言。俾踐厥職。尚其祗飭。以服訓詞。

內臣制

給事長秋。服勤惟舊。今其老矣。思就便安。錄爾之勞。宜進位等。尚思祗服。以稱朕恩。

樞密遷官加殿學士知州制

典國樞要之臣協相帷幄之謀彌綸疆域之事夙夜
不懈風力施于省決精明用于思慮蓋勤且煩如是
而歷時且久豈朕優禮者舊之意歟某忠嘉惠和德
操惟邵先帝所遺以輔朕躬當國本兵庶言惟允而
屢辭幾政每請彌確志不可易朕所重違是用改進
文階延升祕殿乃眷東夏處以近藩衍食真封併加
寵數朕于隆崇近輔時其勞逸使得自擇出入之宜
可以爲有恩矣爾于乃心王室罔以內外無忘益勵

始終之節其可以不勉哉

將軍制

朕有連營列校之衆以宿衛京師鎮撫諸夏能使士
齊而奮其惟統督之臣求之在廷其選甚重某忠勇
仁厚將以智謀使治吾軍必能副朕所屬今閱士之
藝朕皆親臨拔其異能而汰其疲軟其于撫循訓勵
之方可謂至矣爾于典領惟公賞罰可以服其心惟
篤恩信可以致其力使處則有以養朕之威出則有
以揚朕之武待爾任職稱朕意焉

殿前都指揮使制

朕擇材勇之士備宮屯之兵以宿衛京師填拊方夏
置帥殿陛屬之董齊非強毅忠勞閱試惟舊不在茲
選豈非重歟某篤實沈雄明于策慮護邊制敵身有
顯庸茲用命爾就列大廷典綏王旅建旄立纛爲國
藩翰爰田眞食並錫寵恩夫兵有擊刺射馭之能有
坐作進退之法教習可以程其技節制可以閑其侮
然能使之合心一力則在知所以附之能使之取威
決勝則在知所以用之審如是焉厥惟艱矣蓋熟之

于○易○所○以○圖○其○難○得○之○于○素○所○以○應○其○變○非○造○形○而○
後○定○計○非○合○戰○而○後○屈○人○故○師○飽○于○逸○而○朝○廷○尊○馬○
肥○于○休○而○夷○狄○敘○惟○予○之○武○以○無○敵○于○四○方○則○爾○之○
良○亦○有○聞○于○來○世○往○遵○辭○訓○以○服○厥○官○

衛尉卿制

典○領○宿○衛○之○官○地○親○責○重○位○在○九○列○禮○秩○甚○隆○考○擇○
其○人○屬○任○惟○慎○某○忠○篤○謹○信○濟○以○材○敏○周○廬○屯○候○之○
士○武○庫○弓○鎧○之○器○往○顓○總○治○僉○曰○汝○諧○其○尚○懋○哉○以○
祗○朕○命○

侍讀制

蓋用儒學之臣入閣侍讀所以考質疑義非專誦習而已其列于分職始自開元而朕尤意嚮之某博通今古服在從官茲選甚高屬爾惟允朕以所聞于史者究觀前世之變而至夫理亂興壞之際未嘗不反復焉其悉所知以輔朕志是爲爾守其往欽哉

使相制

在昔大雅所歌成周之盛呂侯申伯並爲國藩休父太師實將王旅出入踐更之雖異中外屏毗而則均

時予宗臣分保近服蓋循斯義以告在廷某精慮造
微翹材絕衆崇論閎議富于文辭強記博聞飽于術
學由禁林之獻納任廊廟之弼諧浸更歲時休有功
烈而屢形懇請願避煩幾雖敦譬之甚勤顧壯懷之
難奪是用錫之土宇寵以節旄視宰路之等威益爰
田之恩數往釐東夏外倡庶邦予有式羣辟之典彝
爾其祗廸予有覃四方之德澤爾其布宣以來輔于
本朝以阜康于生齒配于前哲屬在老成其代天工
矧久聞于大政廼心王室尚思告于嘉猷

監司制

分部而使連數十城。事之與奪吏之黜陟。係焉。古方伯之任也。其選甚重。固無假人。爾修潔純明。治行強敏。刺督之寄。往共厥服。夫能使政舉刑清。和樂交于上下。人足家給。富饒洽于公私。皆汝守也。可不念哉。

轉運使制

國家歲漕東南之粟以實京師。故命使部之臣。推擇能吏。使度材具舟以濟其役。爾應其選。歲課甚優。是用遷秩京司。以爲爾寵。朕於臣下之勤勞。雖微且遠。

無所遺矣。則爾之自效可不勉哉。

團練使駙馬都尉制

大長公主吾姑也。位號禮服。褒崇光太。國有彝章。蓋其下嫁。必得勲閥之門。良能之士。然後可以成先帝愛育之仁。而稱朕隆崇之誼。某貴舊家子。內外行完。是用選見于廷。命之進。尚團兵重任。倖馬美名。兼而授之。蓋稽故事。夫恭儉靖慎。可以保令問。而綏寵祿。茲惟朕訓。汝尚勉哉。

軍器監制

繕治戎械訓工程作之任置監典領禮秩甚隆正名之初考擇惟慎某明習吏事勞閱有聞選于在廷俾踐厥位尚其祇飭以服訓詞

新及第授官制

朕立學以養天下之材設科以進造秀之士其於教導推擇欲成美俗於四方得羣能於庶位者可謂盡其意矣爾以經行文學選自朕躬命以一官將觀爾效往祗厥敘思稱朕恩

通判制

州有治中，以佐助其長，綱紀衆務，舊矣。今列城之守，皆有貳焉，蓋亦其任也。爾以考擇，往祗厥敘，尚思稱職，以報朕恩。

蜀轉運判官制

西南之地，延袤萬餘里，外臨殊俗，內雜谿谷，諸蠻列州，成縣以保安吾民。境大人衆，故屬部爲四，而利居其一，最遠且險，參于使事，其選甚高，求于在廷，是用屬爾。夫保民以仁，而懷遠以德，茲朕所嚮，其往欽哉。

陝西轉運使制

分○部○而○使○兼○地○數○千○里○治○兵○與○民○與○夫○征○賦○之○出○入○
自○陝○以○右○則○又○與○疆○場○之○事○其○於○寄○屬○必○惟○其○人○察○
于○在○廷○無○以○易○爾○夫○使○督○課○明○而○政○事○舉○經○畫○當○而○
財○用○足○吏○與○士○皆○悅○而○勸○兵○與○民○皆○贍○而○靖○爾○之○任○
也○其○尚○起○哉○

廣西轉運使制

自○既○開○百○粵○而○地○盡○南○海○提○封○萬○里○莫○不○內○屬○本○朝○
之○制○始○分○桂○林○以○爲○西○部○非○獨○鎮○撫○吾○民○亦○以○綏○馭○

山居谷聚並海之蠻夷故將命而使其選常重爾常
試而可用是用任屬惟柔遠則能邇其務宣布上恩
輯寧異土無失朕指往欽厥司

罷館職加官制

夫爲官擇人處其名者必任其事而儒館之設有位
號而無分職使學士大夫將何以效其實歟是用命
爾進階一等而罷其虛稱其有異能朕將明試以功
庶爾之材得施于用以成朕招俊乂康庶位之意焉
其尚懋哉

提舉常平制一

朕憫農之不易故擇材諳之臣分部四出以平其政
令而佐其衣食之業爾以能聞當是任屬其務知朕
之意在於惠民往慎厥司慰彼黎庶

提舉常平制二

朕憫夫農之艱且勤故詳爲勸助之政又擇能吏分
部四出使推而行之爾以材聞預在茲選其思宣布
朕恩使敦本業之民安其田里而足於衣食則爾爲
能稱其職可不勉哉

磨勘轉官制一

吏之在位者積歲月之勤應有司之格必有甄進以明勸獎此國家之典也今序爾之勞遷位一等往思祇服以稱朕恩

磨勘轉官制二

朕謹名分正官守以董齊百工至其有試用之勞無踐履之玷則皆稽其歲月法有甄進所以使吾勤事之吏知所勸也今有司比爾之課應於遷格宜升階品以允新書其服朕恩往思來效

知州制

昔先王之法導民以德齊之以禮而有耻且格後世
不及然破觚以爲圜斲雕以爲樸禁罔疎濶而吏治
蒸蒸不至於姦猶爲近古朕甚慕之今能與吾共成
此理者其唯循良之吏乎以爾爲能與在茲選使刑
罰清而風俗美爾能善於其職則明考察而公賞勸
朕豈貳於必行其尚自強方觀爾效

知河陽制

盟津冀豫之域背河向洛成臯之閒天下之重地也

山川之固爲國屏翰。分土而治。非文武之特。曷可以
當選授哉。某以材進拔。閱試已孚。俾仍近班。往祇厥
服。有生齒之衆。屬爾撫和。有連營之師。待爾綏輯。尚
茂循良之效。庶寬西顧之憂。

知軍制

開建城壁。本以輯治軍旅。今四方旣平。而假守之臣。
實任民事。列于有土之官。矧朔北並邊。寄屬尤愼。爾
以選擇。往祇朕命。夫能宣布恩威。以拊循吾人。而懷
附異俗。則爲善于其職。尚思爾守。無替訓辭。

責帥制

朕拊士于閒暇之時○蓋將責其效也○至于臨敵逋亡○
朕雖假之以恩○而將帥之臣○則當濟之以肅○使紀律
章明○然後威可勵○而士可用也○爾握兵之要○宜知其
職○而潰卒之入○煦煦受之○勞問餉給○如勞歸師○使夫
三軍之衆○將何視焉○有苟簡姑息之心○無守正奉公
之誼○閩外之事○朕孰賴哉○議罪正刑○有國之典○奪其
近職○處以偏州○尚自省循○茲爲薄責○

責將制

劉曰筆意
上進西京

汝始以微功進。朕不次用汝。而屬之守邊。乃冒吾法。出蠻夷之中。發人採金。無出入之籍。有侵盜之形。朕惟不欲數使遠人。煩於追逮繫獄也。寧失汝罪。不寃窮之。

軍帥制

爪牙之臣。典領周衛。非特強主威。以鎮內外也。蓋禮彌盛者。備彌飾。上下之節然也。則任吾事者。豈可以非其人哉。某沈勇忠實。勞闕有聞。蔽自朕心。俾供厥服。仍遷位等。其尚欽承。

軍功制一

惟羗稔惡，世盜西疆。理將殄除，內自生變。致天之伐，非朕敢私。爾躬提偏師，摧陷醜類，震動河外，宣明國威。破竹之功，成在旦夕。賞不逾月，朕尚遲之用。遷爾官，以勵衆士，能殲大憝，當有異恩。

軍功制二

河外之地，我之舊服。羗能靖綏，則以畀之。今其將亡，自相戕害。爰命討伐，蓋將天威。某沈勇有謀，提兵以出，獻俘斬馘，屢奏厥功。擢進使名，以昭信賞。能殲首

惡尚有異恩

軍功制三

朕爲羗之猖狂，內相賊殺，致天之伐，爰命六師，止除
臯人，復吾故地而已。爾握兵而出，屢以捷聞。蓋夫軍
賞之行，速則衆勸，是用進爾之秩，以激士心。尚有不
次之恩，以待凱還之喜。

賞功制一

王師西討，爾能奮力行陣，斬獻首馘，稽諸賞典，宜進官榮爾，尚勉哉，益圖來效。

賞功制二

擐甲執兵，人之重任。賞信而速，所以勸功。爾爰整我師，徂征西土。大殲醜類，來獻厥俘。圖爾之勞，進階一等。尚思奮勵，以竚異恩。

堂後官轉官制

吾調兵于外，而號令節制之繇中出者，汝以宰屬與

特進觀文殿大學士除節度使開府儀同三司

制

試中書舍人
制詔三道

門下錫之列壤。顓師寵於藩維。申以榮名。視官儀於
宰路。所以褒隆舊哲。優異宗工。維今古之通規。實邦
家之盛典。宜兼禮秩。屬在耆英。播告治朝。用揚孚號。
具官某。莊毅足以任重。肅哲足以視身。有能斷大事
之明。有克勤小物之慎。以察微之智。練達人情。以經
遠之謀。彌綸國體。中外宣力。左右納忠。今方內靖。嘉
百揆攸叙。助朕致此時乃之庸。位特次於上公。職仍

通於秘殿閱時已久。加命宜殊。是用處以名城。分建旄之寄屬。均于台袞。極備物之恩榮。於戲。顯有功尊。有德。朕於崇獎。近輔之心。可謂至矣。親百姓撫四夷。爾於將順。朕志之義。可不懋哉。尚體眷懷。往祇厥服。

中書舍人除翰林學士制

試中書舍人

左右侍從之官皆朕所訪問以獻納爲職者也惟禁
林任親地密於夫經營庶務進退大臣未嘗不預咨
詢非獨治翰墨典訓辭而已故待遇之寵不與他學
士比其重如此非智能材譔拔出一時豈稱公選某
純明修潔秉誼不回學有本原可以圖治體文有師
法可以代予言是用擢於右垣使就茲位今寓內嘉
靖朝廷燕閒朕方明紀綱考制度以行之當世傳之
將來夫能協爾衷以輔朕志論思政理以著之謀猷

期曰四語
惟公可以
當之

潤色斯文。以見於號令。待爾有當官之效。以副予額。
俊之心。其往懋哉。以承厥叙。

中書舍人劉焯林學士
林升賦也。密欽夫。路。魯。魚。魯。數。大。日。未。嘗。不。爾。有。
空。亦。升。錄。之。官。皆。知。知。古。同。以。燭。照。照。難。苦。也。對。楚。
中書舍人劉焯林學士

敕監司考覈州縣治迹詔

試中書舍人

朕惟天之所以視聽者在民故朕之所以承天者以夫民事爲尤重夫能使吾民足於衣食安於作息無愁怨嘆苦之聲有廉恥自重之誼者在夫州縣之吏而已朕旣擇人付以茲任而尚憂夫方域之廣生齒之衆吏或不明不良不能究宣恩德使達於下開導羣情使通于上是以置使分部屬之刺督而考覈幽明甄別淑慝罕能務稱其職朕方憲于先王以正百官之任使處其名必效其實夫比羣吏之治而謹其

勸創固朕之所孜孜而不敢怠也。廉按之臣其體朕意於夫治人之官。審加察焉。使純明修潔。慈祥仁篤之吏。無壅于上聞。而昏庸汙慢。苛薄媮僞之人。不能自匿。庶夫事舉刑清。和樂交于內外。風移俗易。忠厚格于神明。方虛朕心。以觀汝效。賞罰有典。諠無敢私。其尚欽承朕言不食。

民事上夫字衍

勸學詔

朕○惟○先○王○興○庠○序○以○風○四○方○所○以○使○學○士○大○夫○明○其○
心○也○夫○心○無○蔽○故○施○之○于○己○則○身○治○而○家○齊○推○之○于○
人○則○官○脩○而○政○舉○其○流○及○遠○則○化○民○成○俗○常○必○繇○之○
古○之○所○以○長○人○材○厚○人○倫○者○本○是○而○已○朕○甚○慕○之○故○
設○學○校○重○學○官○之○選○而○厚○其○祿○凡○欲○以○誘○誨○學○者○庶○
幾○于○古○也○而○在○位○者○無○任○職○之○心○承○業○者○無○慕○善○之○
志○至○于○師○生○相○冒○挾○賂○爲○姦○罷○訟○囂○然○駭○于○衆○聽○而○
况○欲○倡○率○訓○導○洽○于○禮○義○磨○礱○陶○冶○積○于○人○心○使○方○

聞修潔之士充于朝廷。孝弟忠信之風行于鄉邑。其
可得乎。朕甚憫焉。故更制博士而講求所以訓勵之
方。定著于令。以爲學制。予樂育天下之材。而庶幾先
王之治者。可謂至矣。自今有敦行誼。謹名節。肅政教。
出入無悖。明于經術者。有司其以次升之。使聞于朕。
將考擇而用之。以勸于爾衆士。有偷懦怠惰。不循于
教學。不通明者。博士吾所屬也。其申之以誘導。使其
能有易於志。而卒歸於善。固吾之所受也。子旣明立
學之教。具爲科條。其于學者。有獎進退黜之格。以昭

勸戒○至於學官○其能明于教率而詳於考察○有得人
之稱○則待以信賞○若訓授無方而取舍失實○亦將論
其罰焉○明以告爾○朕言不欺○尚其懋哉○無貽爾悔○
愚按以典謨之神髓作漢代之詔諭自非秦漢以
下能言之士所可及

不雖言女士而何及
思對以無焉之極
其體無則以昔爾知言不嫌尚其欲若無韻爾
文稱限於以詩賞
詩至伏學官其前
期于遠奉而精
欲其察亦將人

劉曰四因
字見讀書
之精密

正長各舉屬官詔

蓋聞堯之治曰百姓昭明舜之治曰四門穆穆然則
當是之時在位皆君子其是非不惑可知也故堯欲
釐百工舜欲熙帝載求可任者皆訪諸四岳因四岳
以命禹又因禹以命稷契臯陶因羣臣之○僉曰以
命垂益伯夷因伯夷以命夔龍其審官用賢不自任
其聰明而稽之于衆如此然存于書二帝所命者義
和九官十二牧皆官之正長也至於屬官則未有二
帝嘗命之者其遺法之可考則周穆王命伯冏爲太

僕正戒之曰○慎簡乃僚○無以巧言令色○便辟側媚○其
惟吉士○則自擇其官之屬者○官之正長之事○此先王
之成法也○漢魏以來○公府郡國亦皆自辟其屬○而唐
陸贄請使臺省長官自擇僚屬○蓋上下之體相承○如
此以周天下之務○此古今之通理也○今朕董正治官
始自三省○至於百工○皆正其名○夫使在位皆君子○而
是非不惑○此朕素所以厲士大夫也○故凡官之長貳○
朕既考擇而任之○尚書政本也○自郎以下用吏○甚衆○
其令僕射左右丞尚書侍郎各於其所部員有未備○

皆舉二人以聞。朕將擇而用之。其未用者亦識其名。以待用。朕稽于古以正百官。稽于衆以求天下之士。其勤可謂至矣。惟官之長貳之臣皆朕所屬以共成天下之治。其尚體朕意所舉惟公以應朕之求。所陳惟實以嚴朕之詔。其得材失士有司其各以等差具爲賞罰之格。朕將舉而行之。賞吾不恪罰亦無捨非。獨搜揚幽滯庶幾爲官得人。亦將以觀吾大臣之能使朕得與衆士大夫合志同心以進天下之材作則垂法行之于今以貽後世。追于先王之成憲無令唐

虞有周專美于古不其美歟。咨爾庶位。其諭朕意。
劉二至曰。公有請令長貳自舉屬官。劄子皆不減。
漢人詔誥奏疏。此尤說得精深。

僉曰。上原有臣字。

勸農詔

夫農衣食之所由出也。生民之業莫重焉。一夫之力。所耕百畝。養生送死。與夫出賦稅給公上者。皆取具焉。不幸水旱螟螣之菑。往往而有。可謂勞且艱矣。從政者知其如此。故不違其時。不奪其力。以使之明時。因析以授之。差地之腴瘠。以處之。春省耕。秋省斂。以助之。詩曰。饁彼南畝。田畯至喜。言上所以勞之也。又曰。駿發爾私。終三十里。言上所以勸之也。其獎勵成就之者如此。朕自承天序。內重司農之官。外遣勸農

之使爲之弛力役均地征修水利或一雨愆期則憂
見于色或一穀不成則爲加惻怛有復除之科有賑
恤之令夙夜孜孜焦心勞思者凡以爲農也今耕者
衆矣而尚有未勉墾田廣矣而尚有未闢豈拊循勸
率有所未備與抑吏怠而忽不能宜寬與有司其于
農桑之務益思所以除害興利詔令已具者無或壅
闕所未盡者勿憚以聞要使緣南畝之民舉忻忻然
樂職安業洽于富足稱朕意焉

愚按詞樸而意摯是三代以上重農愛民之旨

賜高麗詔

蓋聞在昔夏后分天下爲五服地有遠近故治有詳略而聲教之盛東漸于海朕甚慕之顧德不明何以逮此而爾東國之君欵誠內附數遣使者乘不測之川獻其方貢惟爾之義朕實寵嘉宜有異恩以稱勤恪而爾比緣養病以醫爲請眷然東顧朕預憂之是用擇遣方技之官具舟以往爾惠彼一方神明相祚藥劑所補以時康寧達于予聞欣慶方屬而遽馳僚從來致謝章覽以慰懷獎勸良厚爾乃自祖以來保

又○彼○土○其○尚○頤○精○神○強○飲○食○格○于○眉○壽○以○均○福○于○有○
衆○使○爾○有○世○濟○其○美○之○功○而○朕○預○聲○教○及○遠○之○休○其○
始○自○今○永○孚○于○好○

愚按從夏后氏分治五服起轉入聲教漸海卽切
高麗末勉其率祖以民均福有衆盛王柔遠之略
大體如此

策問一

擬代廷試進士策問三首

朕○有○志○于○卑○漢○唐○之○治○而○欲○比○迹○于○唐○虞○三○代○之○盛○
故○于○書○無○所○不○學○而○通○其○意○于○天○下○之○事○無○所○不○講○
而○極○其○本○末○於○人○之○材○長○養○成○就○之○者○甚○厚○求○而○用○
之○者○甚○至○於○民○之○務○憂○勤○思○念○者○甚○詳○撫○而○綏○之○者○
甚○力○患○風○俗○之○敝○也○正○已○以○先○百○姓○而○明○於○教○示○患○
政○理○之○陋○也○稽○古○以○定○制○度○而○謹○于○持○循○欲○斥○大○疆○
土○也○勞○於○經○武○欲○懷○附○夷○狄○也○廣○於○推○恩○人○之○所○欲○
者○不○敢○違○人○之○所○惡○者○不○敢○強○賞○不○敢○以○喜○而○濫○刑○

曾文定公集 卷之三
不敢以怒而淫。羣臣之進對者。夕請而朝見之。四方
之奏事者。旦入而暮報之。未嘗有聲色之娛。未嘗有
畋遊之好。不營宮室。不崇苑囿。衣服飲食。取具而已。
兢兢業業。不敢暇逸。日慎一日。十有六年于茲矣。惟
先聖王之烈。雖自視。歔然。察其用心。如朕者。亦可以
無憾矣。然古之大有爲之君。必有大效於天下。至於
小能小善。亦各有小補焉。奚獨至于朕也。意彌篤而
功未見於人行。彌勵而德未見於世。豈所謂是者非
歟。所謂能者否歟。抑所行者爲可止歟。所舍者爲可

用歟。將在位者奉承法令苟爲空文而不務究宣朕
意歟。意者今去古遠先王之政不可以復歟。凡朕之
所爲由前者其失安在宜於今者先後施設其要如
何。唐虞三代之所以成功德者孰近於今可推而行
之。漢唐之卑者孰存於今可革而去之。其悉心以對
朕將自擇。

愚按起得突兀古峭而措詞有體有要末收卽應
起處設問又有波瀾

知歎自難

公與眾士早春謀亦飲令何事而末文其本公以

神報歎聖外之河以如故雖春楚其飲令何事而

而然由前春其夫安亦宜飲令作此詩以爲其是

意與眾春今古亦歎其五之如不何故如如如

祇煥然耳出昔奉承其分其爲空矣而不其安宜

策問二

夫有二南之化則有羔羊之大夫兔置之士漢廣之
女其成人之材則見於思齊其成物之性則見於行
葦蓋王者之治由近及遠其效如此何其風俗美而
流澤深也今朕躬禮義以先天下恐其未諭也崇庠
序以導之縻爵賞以勸之患其未從也以政率之以
威董之可謂盡心矣然朝廷之臣未能有素絲之節
正直之行中林之士未能有慎獨之心女子之誼未
能有翹翹之絕况于有德有造成人之材牛羊勿踐

遂物之性。可望其髣髴乎。朕於士民。憊精刻意。以待其善。而天下靡靡。便文苟偷而已。何其習之難變也。夫先王之教。其本豈易於身先之。其具豈易於崇庠序。縻爵賞。修政刑。以將之。與今之所務者同也。然以今方古。違從之效異何也。豈今之所知者。不明所尚者。不審歟。抑人散久矣。不可以復化歟。子大夫待問于廷。其以經對。

愚按簡古中。具有委蛇之致。

策問三

朕○獲○承○祖○考○懼○德○不○明○故○小○大○之○事○躬○親○省○決○以○夜○
繼○日○不○敢○自○暇○而○政○未○加○善○側○身○踐○行○兢兢○業○業○不○
敢○自○逸○爲○天○下○先○而○俗○未○加○厚○崇○庠○序○之○化○信○賞○罰○
之○法○以○開○導○而○士○未○加○勵○憫○農○惠○商○補○其○乏○闕○除○其○
疾○苦○以○勸○助○而○民○未○加○富○勵○器○械○教○士○卒○所○以○經○營○
之○者○甚○具○而○武○事○未○立○也○定○制○度○正○官○號○所○以○彌○綸○
之○者○至○備○而○文○治○未○洽○也○至○於○百○工○未○昭○彛○倫○未○敘○
四○民○未○盡○得○其○職○萬○物○未○盡○遂○其○性○中○國○之○勢○或○詘○

於夷狄九州之地未一於舊服是一皆戾古豈朕之不敏所知者非其要所由者失其統歟抑羣臣之在事者不稱其任不能輔朕歟將乖繆之習久更革損益之始其功難見歟朕之待物者未嘗不以誠而下之應上者皆文具而已是何故也意朕之所爲與古之所以致治者無異而其效之不同何也二帝三王秦漢以來迄於唐及五代雖功德有閒然其所以治且昌與夫所以衰亂失之者其迹可考其原必有在方其治且昌也所由之路本末先後其一致歟抑有

殊也其衰亂失之也浸漸積累所以致之一揆而已
邪抑不然也知古今明治亂子大夫之職也其具著
于篇朕將親覽

淳雅渾然西京之文

郭靜承然西東文文

千餘知餘縣賀

張時不然此時古今閱俗國子大夫文顯亦其甚著

教忠其寔讀夫文亦勢漸漸累世以延文一併而自







